

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

13. Attende, Fili, &c. Bulla super liberatione Episcoporum Glasquensis,  
Sancti Andreæ, & Lychefeldensis, & de bonis Templariorum: anno 1308.

---

[urn:nbn:de:hbz:466:1-74452](#)

ANNO  
1308.

XIII.  
Ex Archiv.  
Angl. Rimer  
Tom. 3. pag.  
109.

Bulla super liberatione Episcoporum Glasquen-

sis, Sancti Andreæ, & Lychefeldensis, & de

bonis Templiorum: anno 1308.

CLEMENTS EPISCOPUS.

Servus Servorum Dei, carissimo in Christo  
filio Eduardo Regi Anglie illustri, salu-  
tem & Apostolicam benedictionem.

Attende, Fili, & diligenter intellige ver-  
ba Patris, magnitudinis Regiae profectus  
uberes, & exaltationis incrementa felicia di-  
ligentis. Cogit Nos quidem debitum Pasto-  
ralis officii, & vincimur à dilectione nimia,  
qua fili carissime inter ceteros Christianæ Re-  
ligionis Principes, specialiter nobis conju-  
gatis, & portari in Apostolicae sedis vesci-  
bus caritatis, ut personam Regiam ad actiones  
laudabiles, operaque salutis per quæ  
gratia summi Regis acquiritur, nomen Regium  
magnificetur in populis, & præcelsa tua fa-  
mæ præconium exaltationis multiplicis susci-  
piat incrementa, teque instantius, cum velut  
homo ab his quæ iusta sunt devias, & quæ  
oculos divinæ Majestatis offendunt, salutis  
tuae commodis obviant, derogant, Regalibus  
titulis, sollicitè paternis verborum oraculis re-  
vocemus. Optamus enim, dilectissime Fili,  
ut quemadmodum in orbe terrarum, inter  
ceteros Catholicos Principes, generosi sanguini-  
nis fulgore prærutilus, sic laudabilem clarite-  
tatem resplendens actionum & mentis oculis  
erectis ad illum, per quem honorum culmina,  
& Regnum folia possidentur, ejus humili-  
ter beneplacitis te conformes, & Progenitorum  
tuorum imitans laudanda vestigia, li-  
mites studeas observare justitiae, personas Ec-  
clesiasticas Regni tui favoris Regi ope confo-  
veas, & protectionis tuae prædio tuearis à  
quibusvis eorum molestis, offensis, & injuriis  
abstinentio. Hæc profectò sunt opera in  
conspicte divinæ Majestatis accepta: Hoc est  
salubrium exercitium actionum: Hæc sunt  
urique studia, quæ in populis gentium, Prin-  
cipium gesta clarificant, & regnantium stabi-  
liant folia incommutabili firmamento. Du-  
dum siquidem Venerabilis Frater noster Petrus  
Episcopus Sabinensis ad Regnum tuum pro  
quibusdam negotiis, Ratum pacificum & tran-  
quillum, claræ memorie, Eduardi Genitoris  
tui, & dicti Regni tangentibus, accedens ve-  
nerabiles Fratres nostros Sancti Andreas &  
Glasgen. Episcopos, quos licet ad devotam,  
& instantem dicti Genitoris tui instantiam man-  
davimus per venerabilem Fratrem nostrum  
Archiepiscopum Eboracensem propter quædam  
horribilia, quæ de ipsis idem Genitor tuus no-  
bis contra ipsum, pacem & tranquillitatem  
Regni tui intimaverat fuisse commissa, quæ  
ipse in sua conscientia asserebat fore vera, per  
suas litteras & Nuncios speciales, ipsius Ar-  
chiepiscopi carceri mancipari, & in eo etiam  
detineri donec ipsis ad nostram præsentiam man-  
daremus adduci, in gravem Divinæ Majestatis  
offensam, & non modicam Apostolicae sedis  
injuriam, dictus Genitor tuus detinebat Re-  
gio carceri mancipatos, cum instantia ex parte  
nostra libertati restitui postulavit. Idem au-  
tem Rex, ejusdem Sabinensis Episcopi postu-  
lationibus annuens, prefatos Episcopos cum  
magna humilitate eidem Episcopo Sabinensi  
verbo restituit, & mandavit restitui cum ef-

fetu Apostolicae Sedis conspectui præsentan-  
dos. Et licet præfatus Sabinensis Episcopus  
illos proponeret secum adducere, cum ipsum  
redire ad præsentiam Apostolatus nostri con-  
tingeret, eosque tunc, cum haberet inibi mor-  
ram contrahere, & timeret de fuga eorum,  
recipere distulisset; postmodum tamen eodem  
Genitore tuo, viam universæ carnis ingresso,  
iplos, nec non & Venerabilem Fratrem nostrum  
Valterum Lichefeldensem Episcopum, quem  
carcere detinebat, dicto Sabinensi Episcopo,  
ab eo requisitus, instanter restituere distulisti,  
asserens, prout ex dicti Sabinensis Episcopi  
relatione perceperimus, te velle nobis super  
hoc per speciales Nuncios respondere. Cum-  
que postmodum dilectum filium Magistrum  
Sicardum de Vauro Archidiaconum Corbariae  
in Ecclesia Narbonensi, Capellani nostrum,  
pro ipsorum Episcoporum liberatione, & certis  
aliis negotiis, ad te cum nostris litteris  
specialiter mississimus, tu demum hujusmodi  
litteris nostris tibi præsentatis per ipsum, re-  
cepisti, nobis per regias litteras respondisti,  
quod super liberatione, vel missione dictorum  
Episcoporum ad nostram præsentiam cum  
Proceribus Regni tui, quorum præsentiam  
propter Guerram tuam in Scotia suscitaram,  
nequibus habere, quam citius posse, inten-  
debas habere colloquium & tractatum. Sup-  
plicans, ut molestam dilationem, & consili  
deliberationem hujusmodi non ferremus;  
quoniam habito, quam citius fieri posset con-  
silio de prædictis, quicquid in offensa Regia  
dignitate, & absque exhaeredatione & gravi  
præjudicio subditorum tuorum, & tuo fieri  
posset, Filiali efficere promptitudine pro-  
curares. Sicque adhuc Episcopos ipsos, quod  
dolentes referimus, non sine tuae salutis dis-  
pendio, & æterni Regis opprobrio, carcera-  
tos diceris detinere. Præterea alia cordi nostro  
de tuis actibus non indignè materia grandis  
turbationis accrebit, quod sicut notitia nostræ  
ex relatione plurium magnatum innovuit,  
bona quæ Templarii in Regno tuo habent,  
qua ad ordinem ipsius Templi pertinent, si  
bonus reperiatur; Et alias ad dictæ sedis dis-  
positionem plenariam pertinere noscuntur, &  
quæ ad manus tuas de mandato nostro po-  
ueras, non absque divinæ Majestatis offens-  
a, & dictæ sedis injurya, diversis distri-  
buisti personis, pro tua libito voluntatis.  
Verum ut ordinatio de prædictis & aliis bonis  
Templariorum ipsorum consistentibus per singu-  
las partes orbis, per nos de fratribus nostris  
consilio præsente carissimo in Christo filio  
nostro Philippo Rege Francorum illustre, facta  
dum adhuc Pictavia residentiam faceremus,  
tuis sensibus haec nota, Regiam magnitudinem  
volumus non latere, quod per dictum Regem  
personis dictorum Templariorum, ac mobili-  
bus, & immobilibus bonis ipsorum in Regno  
suo consistentibus, nobis liberaliter redditis,  
& dimisis, & manu sua ab eis ad nostram  
requisitionem amota, ac injuncto, per suas  
Patentes, & diversas litteras, omnibus suis  
Justitiariis, & subditis, ut illis, quos ordi-  
naremus ad recipiendum prædicta, personas.  
& bona Templariorum ipsorum, quam ci-  
tius essent requisiuti per eos, tradiderent inte-  
graliter absque fraude, ordinavimus quod  
certæ personæ idoneæ pro inquisitione fa-  
cienda contra ordinem, & Templarios me-  
moratos, super execrandis excessibus, qui  
per ipsis commissi dicuntur, ac bonis reci-  
piendis eorum, unâ cum Prelatis ad hoc spe-  
cialiter deputatis à Nobis ad idem Regnum

ANNO  
1308.

tuum,

A N N O  
1308. tuum, & universas alias partes Orbis specialiter mitterentur, in quibus dicti Templarii aliquid habere noscuntur intendentes, ut ordinationi praedictae in brevi debitus subsequatur effectus. Cum itaque ab intimis cupiamus, quod Progenitorum tuorum, qui erga Deum & Romanam Ecclesiam zelo devotionis accensi, cultum in Regnis suis augmentare Divinum, tueri Ecclesiasticam libertatem, Ecclesias & Personas Ecclesiasticas favore Regnum ipsorum, & protegere curaverunt, salubria eligas vestigia imitari, teque ostendas amulatorem servidum, per effectum, ac ejusdem tui Genitoris exemplo, qui fide praelarum in dictæ terræ subfidium strafrendo pro terræ defensione praedictæ, & nostri Salvatoris injuria ulciscenda, in terra ipsa plagas sustinuit diras & vulnera, seque mortis periculis offerre devotis affectibus non expavit, tuas dirigas actiones. Regalem magnificientiam rogamus & hortamur in Filio Dei Patris, quatinus super dictorum liberazione Praelatorum in Parlamento, per te in proximo, ut audivimus, celebrando, si salubri consilio dirigaris, sieque nobis promptitudine devota respondeas, quod responsio ipsa grata in oculis Divinæ majestatis appareat nostrisque affectionibus sit accepta, & nihilominus confessione praedictorum bonorum, siqua facta sit, quæ nulla sit ipso jure, per te sine difficultate qualibet revocata, de facto, sicut de facto processit, si in conservatione ipsorum & aliorum bonorum Templariorum eorumdem, consistentium infra terminos Regni tui, efficaciter regas & habeas, quod personæ, quas pro dictis bonis recipiendis ad idem Regnum tuum celeriter, Auctore Domino, transmittemus, bona ipsa pro dicto ordine, si ea, quæ ipsis Templariis imponuntur, inveniantur veritate catere, alioquin pro Terra Sanctæ subsidio conservanda, pro quo fuerunt à conferentibus deputata, habere pacificè valeant & percipere fructus & redditus eorumdem, & propter hoc Divinæ majestatis, cuius agitur in hac parte negotiorum, non incurras offensam, & in examine districti judicis non cogaris debitam redire rationem. Alioquin scire te volumus, quod quantumcumque perfonam tuam diligamus ex corde, & quantumcumque tuum, & Regni tui statum prosperum, sicut proprium, cupiamus, & qualibet tua, & Regni praediti adversa, qua personam nostram reputamus contingere, displiceant votis nostris & ipsis libenter paternis affectibus obvienimus, detentionem Praelatorum, & devestationem bonorum ipsorum dissimulare salva conscientia non possemus, quin circa quamvis adliberemus medium opportunum. Ceterum quia, in adventu Capellani praediti ad nostri Apostolatus presentiam, Venerabilis Frater noster Arnaldus Pictavensis Episcopus, quem ad Regnum tuum pro tua, & Baronum praedictorum pace transmisimus, jam recedens de Curia versus partes ipsas atripuerat iter suum, hujusmodi litteras sibi transmisimus, per eum tuæ Celsitudini presentandas, sibiique mandavimus quod apud te super quamvis efficaciter interponerent partes suas.

Datum apud Silvam majorem Burdegalensis Diocesi. 4. Nonas Octobris Pontificatus nostri anno tertio.

A N N O  
1309.  
X I V.  
Ex. Arch.  
Angl. Rimer  
Tom. III,  
pag. 187.

## CLEMENS EPISCOPUS.

Servus Servorum Dei, venerabili fratri Episcopo Vigorniensi, salutem & Apostolicam Benedictionem.

Supra montem excelsum Apostolicæ Sedis, quamvis insufficientibus metitis disponente Domino, constituti; cum de ipsis vertice montis ad infima nostræ considerationis refentes intuitum importabilium onerum nostræ debilitatis incumbentium humeris intuemur diligentius gravitatem multifariè multisque modis anxiarum ab intimis, qualiter illa possimus salubriter ad laudem Divini nominis supportare. Sed dum à sponso celesti qui Christus est, curam universalis Ecclesiae, perambilis & inclæ sponsæ sue, quam sibi amoris ineffabilis dulcedine copulavit, insufficientiæ nostra commissam advertimus in mente non leví stupore deprimitur, & graviter in animo deterremur. Verum supereft nobis spes in solo auxilio divino reposita, ad quod humiliter recurrentes, devotius imploramus ut ipse, qui Ecclesia præfatae custodiā insufficientiæ nostræ commisit, suæ libertatis beneficium gloriosum cælesti sibi dono conceffum nobis custodire salubriter largiatur. Ad hoc enim vocati sumus à Domino: ad hoc jugum subivimus Apostolicæ servitutis: ad hoc nostros continuè diffundimus cogitatus, ad hoc labores subimus diurnos astus, & ad hoc infernos deducimus horas noctis, ut sui decoris gloriam & honorem, suæque pulchritudinis dotes amplissimas, immaculatas illi, qui speciosus est præ filiis hominum, conservemus. Sanè jam dudum ad nostri Apostolatus auditum, non sine grandi admiratione relatio fide digna perduxit, quod nonnulli Officiales & Ministri carissimi in Christo filii nostri Eduardi Regis Angliae illustris eorum finibus non contenti, nec attentes quod venerabilibus Fratribus nostris, Sanctæ Romanae Ecclesiae Cardinalibus, quos cœlestis altitudo consili in Apostolicæ sollicitudinis partem assumpit, velut capitis ejusdem Ecclesiae membris nobilibus, & qui nostri lateris individua pars existunt, à cunctis Ecclesiæ filiis debetur reverentia plenitudo, sed extidentes potius ad illicita in eorum injuriam manus suas dilectis filiis nostris Neapoleoni Sancti Adriani, & Franciso Sanctæ Mariæ in Cosmedin, Diaconis Cardinalibus, & non nullis, ex dictis aliis Cardinalibus, quorum aliqui, nec non & Progenitores ipsorum de terra dicti Regis originem traxisse noscuntur: Et Procuratoribus eorumdem, quibus pro dicta sedis & nostra reverentia, deberent in agendis, ratione beneficiorum Ecclesiasticorum, quæ obtinent, in Regno prædicto incumbentibus, ferventer assistere, graves injurias & duras molestias irrogare præsumunt, quamvis Cardinales ipsi ad promotionem eorum, quæ dicti Regis statum magnificarent honoris, ac impediendum contrarium, si, quod absit evenire posse prospicerent, promptis animis sint parati. Præterea sensibus nostris alia profunda turbationis causa consurgit, quod cum